

PRIMA SESSIONE STRASURDINARIA DI U 2022

27 È 28 DI GHJENNAGHJU DI U 2022

1ERE SESSION EXTRAORDINAIRE DE 2022

27 ET 28 JANVIER 2022

N° 2022/E1/008

**Question orale déposée par Véronique PIETRI
au nom du Groupe « Core in Fronte »**

UGHJETTU : Avvena di a lingua corsa.

Quandu seti statu elettu in u 2015, quandu a noscia idea patriottica si hè stallata in st'assemblea, 'eti dettu : « *Nous allons enfin pouvoir donner à la langue de ce peuple la place qu'elle doit occuper au sein de ses institutions.* »

Tandu avemu cridutu à ssa vulintà, spirendu chi infini a noscia lingua, in u filu di u Riaquistu storiku purtatu da a noscia lotta ripidaia infini piazza soia.

Saria stata storica 'ssa possibilità postu chi si cunoscia i possibilità e certi capacità ghjuridichi di l'istituzioni in u duminiu di a lingua è di a formazioni, una di i sò pochi cumpitenzi esclusivi.

Ma oghji, à mal9gradu certi primi passi à chi ne simu di u rollu e di a piazza di a noscia lingua in a sucità ?

Analisi, valutazioni di a situazioni, ùn ci n'hè pà sapè comu i finanziamenti è i dispositivi missi in piazza ani riimpiutu a sò carica.

Sti dispositivi, criati, pà a più parti nanzu à u 2015, ecculi : centri d'immersioni, pianu di formazioni di l'insignanti, prughjetti numerichi educativi, crialioni di manuali, casi di a lingua, aiuti à i media, cartuli di a lingua, cunsigliu di a lingua, signaletica, formazioni di u parsunali...

Numarosi i dispositivi, crisiuti l'aiuti finanziari, è un travagliu di a Dirizzioni di a lingua, di qualità, senza dubbiti...

Ma, quand'eddu si fighjula a situazioni, a lingua hè pigliatu stu saltu storiku tantu bramatu è spiratu ?

L'avemu fattu noscia in emiciclu ?

Cunniscendu u contestu puliticu di u Statu francesu, a cuufficialità chì ùn pudarà vena cà da a nostra vulintà, l'impulsioni devi vena da st'altu locu puliticu chì hè a nostra assemblea.

A nostra lingua ùn devi micca un rifarentu è una cummissioni didicati ?

A trasversalità ch'è vò vuleti in tutti i duminii di l'asicutivu ùn vò micca dì una perdita d'efficacità ?

Allora, oghji, a situazioni à chì n'hè, è chì cunteti di fà di a nostra lingua ?